

NOU KA DI ...

YO PA KA DI ...

Ki agrikiltè nourri génération épi génération
 Ki yo kontan trouvé an jironon pou fè bouyon
 Ou bien ti brin ditin épi lonyon pou couboyon
 Ki an lè maché yo kontan vini fè provision
 Vini, délè épi prétansion, profité di sa ki tradision

YO KA DI ...

Ki agrikiltè tèbè, konnèt sèlman fouyé tè
 Ki sé moun la tè, ordinè, épi mové manniè
 Ki yo fè lérè, polué latè, anpwasonin frè épi sè
 Yo ka di si, répété sa, palé pawol an lè, an travè
 Ki ka touché nou an tchè, kité nou tibrin anmè

NOU PA KA DI ...

Ki sé toujou an plési an ba solèy an ba la pli
 Ki nou toujou ka sonjé di la nati mèsi
 Ki agrikiltè pa fè lérè adan manyè jéré kilti
 Ki lagrikilti sé pli gran é pli bel métié ki ni
 Mé fok rikonèt ki lagrikilti sé fos an péyi

NOU KA DI ...

Ki agrikiltè sav ki ba latè fok i poté respé
 Ki lagrikilti sé an métié nou ka fè épi fierté
 Ki agrikiltè sav i ni an responsabilité
 Responsabilité ba piti kon gran manjé
 pou doubout' zot rété et douvan zot alé

Miguëlle HILAIRE